

復  
初  
齋  
詩  
集

復初齋詩集卷第九

大興 翁方綱 正三

藥洲集八

辛卯二月至  
壬辰正月

種蓮八首

種蓮先疏水新年山雷託一雨又三旬乾泥纏拉瘳湖  
目何時嘗始知人力薄擁州使東注挾泥出南郭空塘  
淨於掃積溽未解涸茫然佇春陰聚石扶小約  
茲地久無蓮恐尚存蓮性昔蓮非今水新泥乃前徑周  
子逮陳侯熙寧迄嘉定又六百年閱餘風洗明鏡萬古  
香氣在一寸孤根淨接續安敢必庶爲來者證

因磨藥洲石遂鐫周子文亦記種蓮歲隨作篆隸分豈

敢希昔人聊翦竹樹紛石旁荒穢除石下流泉聞株株  
通水脈字字映水紋

詩人反愛菊學人反愛蓮不得見聖人得見君子焉君  
子比艸木有斐自淇泉所以併種竹娟娟亞田田葉雨  
本不溼露珠非一圓須會昔人心豈真翫清漣

昔聞魏莊渠於此教靜坐復有演極堂儼以春風播相  
觀本不言中通激頑悞弟子肄歌聲時穿淪漪過靜境  
渾一碧白鷺忽點破翳翳連蔓嚆歲歲青旆臥

池東泥已溝池西泥尚沙此昔二湖間地勢東更窪去  
沙使就水沙堅石萌芽矻矻剔石功已倍於養花水花  
順水性不必亭四渡亭心佇風雨亭陰帶蒹葭石欄試

晚色月下已鳴蛙

入夏可作花及秋當有實預排看花辰計自栽藕日翻  
憾六過夏此計坐成失沄沄稻花水又爲翻泥出經旬  
日未曬逮暖根漸密買藕初寸節艸艸何足述

粵花所以薄膚澤由土鬆不資土資水何植而弗容要  
令廣所受成陂浩浩澄明空濶中鳥動魚唼喁一亭  
兩小橋已攬蒼翠重然後藥洲氣全聚於芙蓉是以多  
種蓮必須漸去榕

春耕行二首

白雲山足雲一同菖蒲綠過蒲礪東什什伍伍蘆管唱  
祝田語交楊柳風

蘆管吹田本東  
莞麻涌鄉俗也

魚藻門邊罾尾齊素馨花田翠羽嘯西江昨夜桃花水  
三十二泉翻一犁

浴日亭大風雨歌

珠宮倒吸出飛雨聲入扶胥扣銅鼓九天雲垂四海立  
蜺江珠江齊萬弩廟檐俯視萬里開虎門大洋昏一縷  
穹廡長蛟競後先白花碧浪相吞吐衆山鱗甲喧笙鐘  
極島魚龍變歌舞七十二級渾烟霧識是前來辨碑處  
海門蒼狗沙氣黃咫尺黃灣通祿步帆檣林立春濛濛  
似點波羅訶子樹是午石門潮正怒新漲挾以三江助  
百靈旂旆雲濤中萬馬奔騰一匹素微綃底用鯨人獻  
張樂何須北門慕神鞭裂石走魑魅急鐸驅山眩韶護

百寶一氣真沐浴萬怪移時轉昏曙雨瀉入礪風來亭  
雨氣吹入稻畝零潮頭突過海氣上蒸動婆律旃檀馨  
紫荆香櫟綠橄欖碧鷄石鸞紅蜻蜓煮鹽占風海戶遍  
重譯好語賈舶聽雲嵐明滅忽離合幻化四百羅浮青  
題惠州使院壁用蘇詩惠循二守相會韻  
掃除積溼古城陰隔歲豐湖水色深杭稻遂占多土氣  
陂塘已驗老農心爭暄一院枝巢語得雨千條礪壑音  
淨洗蕉黃吹荔熟棟花風又麥秋臨

紫含笑

絳房猶亞水西庵初日仍低意釣潭物外霞觴斟不醉  
春來風靨破微酣素榮何恨李伯紀燕坐時聞優鉢曇

底要晉公相借問石湖書定擬嵇含

桂海虞衡志  
不載此花

勵志詩試惠州諸生作

悠悠圓象運亶亶靈儀廓迴幹七春暉往來雙江郭  
緬惟兩眉山文采所棲託荏苒逝不居懷哉先民作默化  
蹟尚存丹稜歎猶昨碑壞石礪牛堂空峯佇鶴所跂於  
古人非爲瞻亭閣亦非爲文字披華振萎落枝柯在根  
祗薦藁斯刈穫忠孝蓋有基原泉豈得涸山蹊有嘉樹  
其下園維穰春風吹新綠尚虞植之薄暄陽移廣除雷  
雨響幽壑如何隰朋慕還就段干約

豐湖藤菜歌

七年來問燕脂藤每往旬日嘗未曾  
義魚小舫去秋夕

菜苗空蔓湖尾曾湖有二泉潤江海不獨修築由陳傅  
宋治平濂泉槎溪此會合蓋以魚鼈葦稱郡志遂言  
間守有蓴菜傳會亦到栖禪僧今春纔知此菜味圓頭大葉  
如菠薐而能甘滑不苦澀得非二泉氣所升擷之筐篚  
芼之釜冷于槐葉清于冰雖無絲縷更柔軟亦有鹽豉  
彌鮮澄萬古秋風故園思想見暮雨扁舟乘莫輕一物  
網戶送紹聖學士春盤登落梅挑菜本寄耳湖邊野叟  
說古能生長此湖食此菜不費栽植無畦塍春春採掇  
歲歲足何知故事蘇公徵而我七年步湖上爲此蕪綠  
披千層復聞雨後行菜處舊時菰白仍冬凌我食此菰  
又已屢屢繞玉塔看漁燈



白鶴峯借蘇韻二首

誰知宅入先賢傳六百餘年客敏關帶水縈迴自階下  
髻雲鬟鬢尚牆間片時泥雪驚籠沼千歲松黃鶴住山  
豈作柴桑舊居看招將儋耳夢來還

水東懷舊詠丹稜未識心心無盡燈當日鑿泉先以石  
本同鑽火喻于冰齋頭鏡鏡明明字訪遍山山院院僧  
碑壞將毋亦隱語笑濡竹膜昔年曾  
唐子西水東感懷  
云碑壞詩無敵堂  
空德有鄰不  
知指何碑也

龍川嶺下值大雷雨

嶺下喧螽蟬嶺上飛蒼蔚我來就嶺雲蔭暑青顰黷大  
聲碣岸底漱壑新杭味循江千里平及此一揚沸循江

到程江石與水經緯轂轉萬石勢珠滾二江氣是夕霍  
山綠交注岐嶺漑塍渠四山來涼思沃未旣

早發龍川嶺

諸山滃而起有露雲夾日晃蕩石磴間層青忽如一烟  
嵐艸木溼循礪投瑟瑟交響鼃螻蝓亦遶田塍室豐條  
沃升長解作逾蒙密空涼散陰谷更覺氣充實沙石不  
戴土何以膏四溢我穿沙一線取逕晨光出

示潮州學官弟子二首

逞時題壁韓山麓實卜循牆黨塾同習禮早應從野處  
中韶何止聽軼童耕偕於養稽三載詩孰兼書目兩通  
已數彈琴上巳日海陰吹綠七春風

沈浸醲郁於何見情性英華孰起端連歲笙簧服官始  
我來孝悌力田看沿村晚麥新秔熟比屋父魚釀黍歡  
粟米麻絲羣日用始知原道必師韓

前詩潮士和者八百人疊韻示之

積漸基非晨夕功于茅看到稼斯同迎梅三月水方起  
有橡一株山不童文梓元由中琴瑟昌陽胡自別苓通  
河濬河側思困億勿以區區儉國風

好名驚利兼矜已士病由來匪一端室遠堂深奚隱爾  
牆陰水折試尋看菜根味有膏粱雋寒士顏同廣廈歡  
日對青編燒蠟燭莫徒短檠詠依韓

自和葦齋詩四首

又換籠紗樣不同矮箋曲折入推蓬  
溟濛溼葉疎烟底掣洩枯叢細響中  
岸廣篙深新漲水石灣沙沫夾灘風  
畧存齋意因江勢翻得玲瓏竚望通

星輶半是託輕艤詩屋由來只舊窻  
境熟釣筒搖亂荻夢迴明月在空江  
披襟浩渺千潭印得句憑陵萬綠降  
收拾無多據梧地楸頭安穩竹篙雙

魚龍風雨海濤吟聊以齋名試此心  
消盡芥舟杯水妄要看稊米太倉深  
烟橫竹定能安榻露重荷圓肯溼襟  
那更紛紜量十笏秋毫何有咫兼尋

八年十五度來題

每按東郡則三入此居今五至凡居此百餘日矣

面面皆詩

客欲迷昔憶牽隨潮水上今真繫向藥洲西

省解藥洲有西齋

軒窗浪接青嵐起懷袖花深翠羽噉他日繼聲何處是  
已曾入我卷中携

劉幹齋觀察招遊西園六首

榕雨冥冥外離披藻苳紋東南潮起漲旬日綠于雲花

隱留春霧烟濃入夕曛隔江空磬響時向北軒聞

別館尚書築

舊爲明黃尚書別業

金峯使節移

觀察署舊在金山前

洗苔看

古篆逢石有前詩

梁瑤峯篆題石筍并詩

鳳水城濠注龍潭灌溉

治一方資水利三邑接中離

竹架飛泉背藤穿臥石根褰衣切蘿磴側帽過松門畏

佳橫雲入槎枒上雨痕合圍青竅穴都以百年論

畧約徘徊際無風有晚涼以亭迴樹勢于月得池光萍

缺鳬相唼汀圓鷺可藏此南全放綠更不費軒廊  
往時燈夕到池上瑞蓮歌舫繫紗窻在碑昏蠟粉多童  
煎評汲水客議補栽荷及見齋重葺冬春八載過  
使君初駐節携客夜論文礎涇滋苔潤甌香覺稻芬因  
觀種樹理時切護堤勤半畝修椽上憑窻看海雲

沙月

月吐竹篷背舟泊江渚沙見沙不見月渚勢一袂斜白  
光浩漫漫眩晃動蒹葭蒹葭交竹樹夜久滿江露篷背  
光忽流點點照沙鷺遂看沙作江瀾茫那得渡

蓬辣灘

八年十過蓬辣灘風雨陰晴晦明異初春早秋厯冬夏

以水大小分難易水長則平消亦平最險將消未消際  
況茲雨後伏餘怒橫迫崖間相擁銳灘尾西東首南北  
碎石中間左右避彎如魚腸乙字形一折盤迴劒鉞勢  
我步高岸取山足萬轉松毛綠虧蔽亦到中腰山獨聳  
盡見上下乘流義下則大埔上嘉應十郡人文秀靈地  
宜其山緩水更舒造物之意夫焉寄所以民俗調劑方  
比之舟楫牽挽利一舟前導一舟進逆水還教逆風試  
翻從衆壑一綫中捲得層瀾萬花氣

松口二首

因移蓬隙日爲記岸邊陰小綠墟曲得滿山樵採音泉  
清知脈秀雨過尚烟深篁篠漸成列風蟬一片吟

沿灘皆石角此卽土微平稻畝淤沙外人家汲水聲民  
勤須習儉士讀且知耕比歲豐收氣川光入晚晴

程江使院同蔣南莊限韻二首

橘橐寧當識趙瑩角弓及計十年成召南封殖思來燕  
小雅和平更聽鶯要掣鯨魚兼翡翠已多蘭蕙少榛荆  
籊風吹上園檀綠攻錯如何始中程

雨餘山翠滿南窗沿源誰能一葦扛今宿城闌又旬日  
古人會合感濤江地兼水獮蠶成匹氣召村禾稔有雙  
已見汀循新漲後漁鹽相望集餅缸

高靜思梧月圖二首

滿地碧雲皆水影客來何處認新秋忽從積雨濛濛外



澹筇澹黃月一鉤

嶺東握手已三年日煮茅茶想惠泉又到石欄吹綠換  
落花如毳竹如烟

舟發程江三首

山形蔽城垣江紋轉沙石雨餘江更怒風壑相蕩激我  
意攝其定氣清淤渙釋蔭雲就微涼取岸迴虛碧空音  
非風雨正陽天倪積百籟有歸根懸景無暫匿四山響  
萬綠唱和知盪滌一豁灘路長憑此烟樹夕

葦齋雖新題頗已成老屋因緣生文字又復耗楮竹此

州無金石空錄象之目

王象之輿地碑目所錄  
梅州諸碑今無一存

懷古鐵

漢樓風雨振窮谷蕭寥晦明思沿溯遑還熟故託舟曰

齋八載千兔禿鉤勒仍椎拓抱向齋中讀一齋虛四窗  
日與山水逐午初南郭發暝仍西巖宿

毗陵蔣子仲與我有昔言同堂治詩禮蓋不爲已身受  
牧此劇州舊稱訟牒繁送我出江浦支笈看青山十郡  
五試畢我遂欲還輟揖君與山水三共相對論秋禾必  
早熟嫩綠已滿原各數下車日蝴蝶飛南園山山纔野  
繭直抵羅浮村

蔣君來收嘉應甫三月

歸度龍川嶺二首

曉氣層青劃礪田熱雲蒸綠合溪烟五更旬日水痕落  
十里一規山影圓線路陰涼取危磴役車屈曲就橫川  
誰知姑婦牛宮柵纔啓蘆簾蟹籬邊

漆林際屋戶崦谷口居人老樹如識客短牆還結鄰花  
根日光轉石罅水聲新已見獲事早禾穡紛束薪

題倚松待鶴圖送譚冀培養病歸里二首

小樓何處玉笙聞滿地青苔淡夕曛石銚茶烟飛不起  
過溪濤影綠于雲

綠字誰傳竹里銘八公相法卽丹經且須試檢唐英集

露粉雲漿煮茯苓

圖取吳子華詩句也子華有病中宜茯苓詩

浴日亭和蘇韻

自是文章壯海天沙淤非復舊時灣潏洄絕島周遭路  
大小重洋裏外山處處盡同看日出區區那僅以亭顏  
我來獨挹瑰琦氣百寶蒼茫磊落間

明周定王東書堂研歌

研長二寸八分寬一寸六分背鑄東書堂書齋

五字正書面額鑄銘割紫雲之片石分漾璧水之元光蘭雪十五字古文篆

金梁橋唱新樂府一曲樊樓月當午牙籤春殿選校書  
孺子新裝試歌舞侍兒紅袖解雙鉤東書堂帖誠齋譜  
此堂闢自永樂年母弟從古住梁園金川門入復同輦  
東苑更廣膏腴田議臣關說事雖祕從容燕飲非至言  
賓客競聞桂樹製山河重沐桐葉憐葛洪圖補遷固傳  
此時蘭雪初名軒前朝花石卽小山叢生修竹圍牡丹  
銀瓶灌水淨春露暮雲點筆斜朱欄十二亭子題記遍  
蔡河凭望莽蒼聲上聲間大河南北收蕪綠長餐品入桐君  
錄彼茁者奏騶虞舞劉長史課佳兒讀先時惜無經術

吏王翰佯狂事翻覆墨藩徒留絃索師月夜梅花照園  
屋末孫乃開萬卷堂東陂著錄西亭藏共推然藜致太  
乙始見璧水符元光此時此研尙在側羅列四部分丹  
黃我聞退谷採書目葛李誰與收散亡汴中金石蹟久  
泐况爾漆匣仍綈裘摩挲紫烟浴積鐵怒濤何必穿矮  
桑

陪曹竹虛宮庶胡澹園侍御登鎮海樓遊六榕  
光孝二寺四和諸城座師韻二首

四度來憑蜃外欄八年初識得人難帶城樹薺千帆小  
接海坳堂一鏡寒午景迴雲滋蔭樾秋毫乘氣有搗丸  
搗平聲見  
淮南子  
灤洄水脈重量測試覓任安問仲桓

底煩治具到方平看畫營茶卽化城綠薛龜趺誰剔抉

六榕寺證道歌碑後段去年秋語寺僧求之今仍未獲夕陽塵尾又斜橫舊來細

葉陰猶護小響空廊語易驚不是因緣絃指法人間書

要叩彌明

光孝寺僧圓德能詩善琴今已移住靈峯

### 僞漢劉龔冢歌

大書壬寅歲大有此冢之傳以此碑新城秀水兩老子  
往者述記猶異辭盧膺盧應字孰是侍郎聘越交能爲  
陳偓鄧仲同列傳傳自仁和吳志伊長星事遠宋武擬  
銅金之秘誰詳之五國十國各有紀可憐霸史無隱欺  
具載卜年六十事嗟爾哀冊誰復知鷄鳴穴又不可識  
海潮蕩汨沙水移百年前尚有斷石二亭間或言苑基

番禺城東二十里興王府治据何疑昌華風烟毒霧去  
洲田洲水空濶時荔支陰濃榕葉綠薜茶亞旅來東菑  
視粵東學役竣留別三首

中天沐浴文明日許住炎州到八年拊石阮俞禺嶺竹  
角弓嘉樹藥湖蓮時和化字深培植政善農登喜接聯  
雙漿軒兼四來榻

中丞觴軒及制府齋也

不徒十郡好山川

葑門人去又鯨門午夜齋心一氣存何似伏生仍有述  
每於余祐得深論測量前輩淵源在洗滌西園瓦礫痕  
怊悵甘泉泰泉錄只誰藏皮佇烟岵

敢將聚擇擬檀園亦借于溪比薦繁珠露夜明無匿氣  
海天秋響只清言兩三樹子重鉏圃千百崖基一壑源

閑寫羅浮作囊去白雲幅幅著湖根

後九曜石歌

我住八年又秋晚徘徊紹興春漲初始來重剔第一石  
假以旬日煩百夫石深則咫尺泥倍咫尺百年未露之石膚  
人功嗟豈能強植想有神力相撐扶模糊烟雨蝕不到  
一十二剎琅玕珠米海岳詩雖不見蔣穎叔記筆筆殊  
淨名齋帖息壤在溪山罨畫有意無張升卿字今補錄  
千古人物難得俱放舟月夜吐奇氣長歌溪尾敲唾壺  
人才發揮爲世用但記名姓誠區區八百年前芙蓉水  
日夜灌漱於根株依然煮茶訪蘓處昔人已嘆歲月徂  
未知老榕樹下字後來誰則代我摹仿佛前迴剔石候



霜輕霧重黃雙梧

辛卯九月將受代始剔池中破石得題刻十有二處  
皆八年來所未見者濂溪書院記左下第四段云程  
師孟金君卿李宗儀許彥先右下第四段云李之紀  
仲明吳荀翼道張升卿公詡蔣之奇頴叔元祐二年  
三月十六日會于藥洲觀九曜石此段與韶州九成  
臺頴叔所題續武溪深詩刻筆法無二而張升卿適  
足補前所拓字公詡之名左下第三段云紹興九年  
歲在己未二月初吉藥洲春水新漲小舟初成連南  
夫鵬舉缺一字正明甫周利見君遇王勳上達鼂公邁  
伯咎載酒同遊石背云武夷詹文舉毗陵袁太初長

樂鄭才仲紹興癸亥季秋孟冬兩乘晦沐追真率高  
蹤載酒以遊相羊竟日飲闌磨崖聊紀良集左下第  
一段云呂少衛方夷吾南容蘇少連會飯藥洲泛舟  
觀九曜石紹興壬申二月二十有二日此下云少連  
夷吾南容癸酉清明前二日來右下第三段云長樂  
靈谿之源楚相潁川之裔烏飛于左春藻其似是有  
宋乾道歲在丙戌藥洲之濱携字筇放逸曜石星羅  
鑱之以筆右下第二段八分書云慶元乙卯季冬十  
有三日同提點刑獄趙希仁山甫轉運判官徐枏志  
穌提舉常平劉俛碩翁提舉市舶唐弼公佐泛舟小  
酌其下惜題識之湮滅悲歲月之不留弔古感今三

歎而返經畧張釜君量題石背右云缺一字趙缺一字周

卿月缺七字其第一字似信字洪唐元齡缺三字仲缺

字其下一日似升一字以咸淳乙丑似春仲二字來遊以下

左下第五段云督學秀水吳鵬頃於藥洲疏斃起滌

故時勝槩復者什九此即九曜第一石也同臬事宜

賓陳卿慈谿葉照錢塘吳玘建安李默載酒來觀再

淹臆募時嘉靖戊戌二月之廿二日卿題右上第一

段八分書靈曜二大字旁云鵬書又于池東石上得

一段云崑慶元乙卯臘日建阜通坊醫士李元口

又於池西北大石脚得劉度臣刊四字而仙掌石榕

所蔽者又披露二行有半弟尉字乃是刻字臨江蕭

下乃山則則山四字趙時瑤上亦非沅字始悟曩時  
以府志校寫所記失實也附識於此十月朔方綱識

鄭雨亭扁舟遠眺圖二首

松陵詩意雨濛濛一笛披蓑落月中目到渾無拈筆處  
柳絲風與釣絲風

篋篷且繫蓼花灘萬象窮搜入卷難供與溪橋好烟雨  
有人花外更憑欄

吳仲圭竹用卷中自題韻四首

風雨思君子悲歌遶竹枝艸亭幽獨夜自護錦裯兒  
冉冉時未暮娟娟歲已陰惟吾受也正感遇獨何心  
雪意不爲薄詎因凡卉羣正陽來復近凝立佇夫君

莫聽湘弦哀怨聲暮雲歛盡楚江清  
枝枝瘦出空無影不肯寒潭受月明

書益都李靜叔文稿後寄潮陽令李素伯

八年五登原道堂前秋一題韓山壁  
茫茫萬古西風淚誰知却爲斯人滴  
斯人氣出羣不書原道書原人又從  
張子溯孟子洗出韓子醇乎醇當初  
舉遙篤諸近萬物一視皆同仁脉絲  
粟米爲誰設我說昨豈徒斷斷昔者  
舜舉十六相道高詎止言身尊益作  
朕虞咎作士百工百度亮以寅鰥寡  
孤獨廢疾養農工商賈官士民經生  
說經胥此物叔也此稿不爲身自作  
墓銘古有例書出嵩陽好兄弟燈前  
每共伯也論援劒酒酣雙裂袂

黃昏讀罷風怒號吹作長瀾入海勢君今作吏嶺海濱  
時夢共被山家村嗟我有弟亦早慧并無手述片紙存  
將發廣州自題藥洲圖二首

惠公舫子張公扁已與東軒俱不存十日百夫牽石處  
尚餘鴉軋水車痕

漁洋手種貝多枝未必憑欄是此池前後七榕皆合抱  
竟無人識紀談碑

王文簡使粵曾觀學使解中  
鐵樹蓋未移復使院時也

題裴鶴峯蓮湖秋泛圖二首

此地泛秋仍似夏泄雲蒸雨綠模糊恐君羽扇迎涼處  
未必蓮湖是藥湖

雨中翠點玉團圓如此紅裳溼亦難秋意轉濃人轉淡

蓮湖仍作藥湖看

又題雨亭馴鹿圖

雨餘山果落松枝自悟前身非畫師聞道青精飯已熟  
石厓縫合長青芝

蘊齋書來云臨別有何處安身立命之言是昔  
年蒙寄詩君子無止思之義否賦此以答

君子無止思日邁月斯征借問所邁征於何立之程聖  
言去已遠百家以能鳴苟獲一軌安豈效衆喙爭輪轅  
日以飾聾悅竟何成韋佩無急張弇金有鬱聲旣防猥  
薄傷焉得夙操羸徒囂終奚收晤子昨自驚廿年營吾  
糧發軔語誰盟冉冉窻竹響耿耿壁燈明四百峯頂泉

交向三峽傾孰爲郢人質一借角弓賡

拱北樓

時移居育賢坊廨

鐘聲與漏響一月又樓陰海霧早涼氣春迴北望心城  
灣抱石脊市語沓潮音漸午雲不散蒼蒼嘉樹林

過大庾留別鈍夫借昔用黃詩韻二首

八年雨雪餘令弟仍扶病同氣同歲寒君家苦筠簷人  
言炎州氣地暖存物性吾今閱已熟愛君窻几靜  
君亦隨我久語挾海綠氣何似山石畔蒼然昔風味勿  
輕言逢源相見以深地洪瀾千萬里佇汝俟汝至

十八灘

夢中邪許聲淩江湏江灘猶疑藥洲上挽石衆力殫旣



陟山萬轉仍沿石百盤乘流敢忘勞習坎故知艱槎枒  
截飛流洶涌勢未安一氣三百里層疊萬花瀾江水無  
直輸石脈有停湍西江石底江我映沙竹看直作始放  
舟順流起萬安

發沙井

騾車偃仰發沙井沙岡石脊屢仄傾十里搖過石頭口  
石橋尚以洪喬名匆匆何暇看碑字逐逐負戴爲宵征  
下橋羸顛輿輻脫旁舍艸塹窻燈明携幼叩門逕入室  
逆旅食我糲飪錫村陰不見星與月微辨石塊紛縱橫  
店門土平我小立從者伐輻相丁丁林風森然就輿坐  
默聽輿夫筭驛程我熟驛程不待筭但聽橋下風水聲

渡淮 以下壬辰

十四年前夕帆影林林又到廢城頭今宵正挂淮南月  
對岸誰凭水際樓下上蟪蛄源源桐柏東西濠汊接徐州  
照來羸馬疲僮僕鞭墮忽驚雙白鷗

柳泉旅舍予已卯十月題壁云此行佳處題難  
盡留與珠江二使星謂同年秦亭堂編修景介  
之學士時同典廣東鄉試也今十四年而予自  
廣東旋役宿此復次前韻

十載踏殘江北路午茶又熟小茅亭果符行李蕭蕭夢  
只是慚呼作使星 是年又於此見壁上句云行李蕭蕭  
茅店裏無人知是使星來不知誰筆  
予入都而蘊山出守鎮江賦別三首

四秋促膝是何緣廿載同岑最汝賢付受雕鏤文字末  
聲名書札道途邊今斯擔荷猶難信異日功施敢望傳  
嶺外江頭窻下夢遂經三度閱三年

香案雲霞供奉班玉堂心印幾時還因緣竹里人千載  
謂金壇王檢討罕皆縹緲茅岡屋數閒經術新猷務根柢師承舊  
緒訪優閑負書不獨銘原泄金簡先投已字山

來鴻去鷺如相避出雨歸雲遂不齊答述人疑同設論

栽培天意孰端倪一樓鐘語三生憶

癸未夏與蘊山觀明學士沈度書法

華經陽識大鐘于城北覺生寺寺僧謂蘊山當官外任且屬以慈祥愷惠予有晚涼新偈子同聽一樓鐘之句  
兩板門書十載棲仍照飛騰紅燭影對牀風雨悞聞雞

二月八日西苑夜宿蘊山明日出都

車轂鳴枕中妨我懷遠夢明朝桑乾水獨爾役車送十年待漏地不得與子同子心免嶺外余思又江東別子既不忍留子定何益碧澗馬嘶聲紅牆履綦迹夜深星月下酒醒各眠飯不怨道路長所惜芳月晚芳月誰與度青臯滿烟露苑枝高于牆昔年初栽樹昔年苑前水流作今夕雲迢迢綠影去疑是併隨君

復初齋詩集卷第十

大興 翁方綱 正三

青棠書屋稿

壬辰二月至  
癸巳八月

壬辰春還都賃孫公園屋以居中有合歡一  
株因以名是卷

春展先墓三首

七年闕灑掃仍同土無田東郊綠纔動亦未有柳烟怵  
乎氣感人變律非以寒緬惟松楸陰于昔等杯棬新陽  
宜嘉植修術帶橫阡尚聞遠岡背壤童報暗泉陰德何  
以酬理瀆滋泫然

齊人雖趨利晉人乃近名乞屢固非義誓墓則不情驅

復初齋詩集卷一  
馳策前路良時勤邁征瞻拜仰而思何謂忝所生簞車  
祝豚酒所操終無贏雨餘叱犢聲東原起春耕

耕戶亦已換相見俱不識除艸驅牛羊頗復資其力釋  
耒前致辭今年大宜穡因溯去春首拮据營困億壠前  
度流水壠後避紆直所苦夏淋潦須及春培積躑躅寺  
牆下小桃將寒食

晨起同撻石宮詹辛楣學士魚山孝廉憫忠寺  
海棠花下作

春禽聒破僧房眠四三客占遊蜂先口出未出雨未雨  
轆轤掣響山門泉日氣尚輕花氣重薰蒸故在陰涼前  
此時院落靜如掃花與我輩相周旋豈惟嬋娟却麤俗

爭比翠袖與紫綰千跼萬萼疊照曜星梭霞佩相聯翩  
濃雲捲盡竟夕霧淨影襯出微藍天豐肌明瑩自顧盼  
肯假懶困成韶妍空光動搖非妥側垂絲濃淡忽接連  
密疎高下與向背一院簌簌濛濛烟齋厨不用護鈴索  
穿出梵放清而圓訪碑問竹來太熟及取未起栖鴉邊  
新陽漸暖向南郭佳句誰補從西川花風掠轉花雨作  
明日滿地飛榆錢

粵東諸子集話小齋示魚山因懷桐陰

桂陰難定是棠陰萬里樽前印此心室深去聲商量能造  
膝苔多容易數聲上同岑誰真一笑依迦葉爾自三春夢  
故林無數花風縈上苑棍根拂汨雨晴音

周益公銘雷氏琴

腹有八分書開元癸丑四字底有銘云太古遺音又云雷

氏劉之璧自開元馮氏寶之不知幾傳我非知音而理可言心主于內手應乎絃故聲和可以仰馬意殺形之捕蟬豈特此哉大則歌南風小則治單父舉不出于斯焉嘉泰元年四月辛丑平園老叟周必大書

南渡江西重閣譜開元之桐音太古音匪可知理可言

曾以薰風系樂府鶴飛蓋子注未乾春風歸鴈玉關寒

酒闌花飛又送客漏月疎簾斜巷彈

益公有鶴飛蓋注酒則鶴飛乾則滅

春風歸鴈那知已寄與深宮絕塞看春陵樂雷發題益公書樂府後句也

心齋圖爲紀少卿同年題

孤村鑿石處下有洄潭轉山半雷雨來雲香滿花蘚誰

知萬壑響出自微泉泣蓊然四石窻江紋作沙篆



漢建初銅尺歌

憲廟銅尺建初六年八月十五日造

西京泉準姑洗律起黍起指誰異同周法寸十與寸八  
說文何以別考工不知陳留何所會四分校短於新鐘  
爾時始平尺未出漢官尺那周尺通東京制作尚不遠  
建武尺度符劉恭太原邑仍前史置民俗儉有陶唐風  
崔駰作頌觀下國豈但斛粟均貧瘡奏律方來零陵玉  
鑄式或用晉陽銅以準周尺準建武十五等孰歎與豐  
篆文稽自上方變次仲正起建初中懸針書亦此時作  
題經篇目如針鋒後有延光前五鳳銀錢剔盡石幾礪  
孰見當時佐隸法用程文質權始終呂薛錄銘均未及  
朱繡漫言錯采重雅裁編懸備尊纂金絲日啟光熊熊

尺今藏  
關里

同擇石辛楣魚門耳山兩峯集陶然亭各賦吳

下故事送紀心齋南歸分得樂園

伯原本越人思吳勝事繁築室郡西坊仍得錢氏園

樂園

本吳越金谷園舊址

州守既題扁郡將常造門皮書二萬卷可以

貽子孫審音理自契閱古志彌敦墨池雲不流琴史韻

猶存所憾陸淳義曾推明復言秘省已著錄今時誰討

論

淳熙十四年朱全進伯父長文春秋通志十冊付秘省見中興書目

此書儻未逸君歸

叩江村不虛越遷吳或借流溯源舉杯重有屬願君時

弗謏

送熊鶴嶠前輩假歸南昌

州錢一編闕宋什闡何人遺集鈔無隱先生意出塵袖  
風蘭臭味檻露鶴精神漢帖心追甚江船手篋親瀕行  
叨借閱疇昔失依仁東觀書重問南州榻故陳匡廬帶  
湖海滕閣上星辰退聽堂詩法公其惠問津

題彭衣春所藏宋明人畫像冊

宋范文正忠宣  
王荆文包孝肅

明徐武寧楊忠烈文貞  
憲孫文忠夏文愍嚴嵩

送君歸櫂發君篋哀彈颯然范履霜邠祠瀘祠不必肖  
河清笑那垢面方古人精神匪以貌亦若言語傳文章  
應山憂時蓋有謂衡翁胡亦眸不揚夏轉怡愉孫轉靜  
戍削彼獨冠沈香高聳雙顴起農圃賢姦一代備興亡  
伊子若孫等世守嗟君與我話夜涼爲題具銜著小字

秋燈吹起炯炯光

羅烈婦詩

兩峯之曾祖母

一死一十一人同後八十年表其冢

方望溪

又五十年今

作詩賢孫爲客談色聳樓烟障天闔門哭抱女積薪真大勇從李者復劉梅李一婢脛骨邛山重樊園址與故城基城破年深猶志之吾曾妣王亦并死與姑陳更聲抱其兒竟無墓表更無詩揮涕爲君書此辭秋風斜日握別時

予題兩峯歸帆圖有欠伊銷夏迎涼畫樽酒城

南秋鴈飛之句張山人

洽

見而爲作樽酒城南

圖兩峯屬題

不許句外句少留不傳妙盡力拈出之君爲誰寫照新  
涼滿高堞枯筆及破廟青青豆雨過黯黯蘆雲繞淡得  
未了峯岫想不盡醺各有萬古襟如何拈一眺昨過亭  
畔路虛曠轉竄篠伐翳出遠岑沿深餘荒藿半陂寺塔  
影斜陽挂寒峭落落筆墨外一樽幾同調紀去羅又歸  
別思紛雲嶠此圖何處補霜落秋蟲叫

同蘅石辛楣慕堂憫忠寺訪菊晚過崇效寺觀  
漁洋竹垞諸公所題畫卷

九年記九日

癸未看菊於此

瓠蔓此苔堦暮楊霜鐘在秋陽病

目揩花期仍近卜葉響又空齋文字惜禪說眇焉數子  
懷

蘇米齋詩

并序

壬辰九月移居潘家河沿置所刻蘇題英德南山米題  
藥洲二石於齋壁邀擇石辛楣白華習庵魚門道甫小  
集同賦

鄙人寡深識汲尋不濡尺踰嶺空何有測海持此石米

石最拳拳謀致匪朝夕禺山到番山移池已入壁

在粵先摹

一石實西齋

因訪北郡碑遂歷南山蹟傳聞石隱君與蘇此

講易易說既不傳羅浮亦如隔一幅剩苔蘚墮此地燭  
席泠泠秋樹底落落簷雨滴故人京口書爲畫甘露宅  
并畫妙高臺黃州儋州客此齋如何實徘徊我心惕江  
海起霜露涼綠忽如積酒闌客出門空窻月華白

重陽後五日同裕軒辛楣遊城南萬泉寺二首  
活活蒸冬水先迎冷客來僧房掃黃葉禪榻卽蒼苔  
釀村陰意商量野菊開誰能未花日閑步問豐臺

十年食藕處有寺已無亭艸徑幽能熟蘭襟淡更馨  
雨兼荏葦響泉帶輶轡聽意在寒林背西山分外青

同蔣石辛楣魚門姬川習庵耳山集道甫散水

庵同賦

一十二年前秦家瑞芝軒錢公爲芝圖我作賀芝之言指  
此庭中木共道芝無根雖假木爲喻實不以木論今茲  
嚴先生抱景異郊暄唐孫秘散木賦郊暄淑氣景媚風烟瞑據常笑惠目  
擊豈俟溫一帆卽居廬三秋暫都門散木不謂木中有

所謂存故仍秦公居復勸錢公樽同人發高唱亦不著  
籬籬我猶執壁字墨色襟袖痕

元延祐甲寅江西鄉試石鼓賦卷凡八人李丙

與玉陳祖義李路羅曾吳  
舜凱蘇宏道宏道并書

萬古牛斗西江寒百年遺響第一彈普顏篤汗秀士選  
臨川崇仁經術殫時以論賦啓經術嗚呼何啻鼎與盤  
初用注朱傳胡蔡四家五傳三信難先天寥寥竟岐周  
獲麟誰溯龍馬看車攻好音聽鳴鳥畫肚細字悲迴瀾  
秋宵有人夢周孔祖孫豈獨評蘇韓韓祖孫星北斗  
周情孔思日中天  
是年吳文正貢  
院授文詩句也流傳八賦一手寫慨歎十鼓一曰殘鳴  
呼時甫後一載大都大學營藝壇



十月六日邀裕軒擇石辛楣兩峯城西訪菊兩  
峯出所買杜東原仿荆關卷以贈裕軒擇石云  
是所藏物爲偷兒攫去者兩峯遂以歸擇石別  
作一幅以償是日卷留予齋用蘇集中穆父欲  
兼取畫與石穎叔欲林畫碎石詩韻綴卷後兼  
呈裕軒辛楣兩峯

宮詹飽藏畫閉眼窮萬綠學士不待藏艸亭一峯足餐  
英故並邀虛心與實腹部西霜意濃圃外水紋蹙飲醇  
宜孫楚笑插憑杜牧安知此尺幃忽出溪港瀆紛援楚  
人弓亟歸趙使玉荆關本一律東原昔歎伏  
見東原贈劉艸憲詩  
未知忘筌不聊以再摹卜羅子船未買艸亭景可逐宮

詹同下筆各貌一巖谷羅畫艸亭張以塞學士欲錢畫  
則報我我言無偏曲急煩艸亭開此客俱不速

兩峯過訪魚門門有繫馬踈傷右手魚門疊前

韻索和

誰暇平馬訟喧呼孟中綠古少傷蹠詩畫手爲補足請  
記鐵面語畫馬墮馬腹何況刻意爲變怪困攢蹙灘水  
生五色禹金鑄九牧却寫南歸圖一帆下江瀆昨摹杜  
瓊作山黛泉寫玉客舍閱炎涼不使天機伏此腕或人  
妬厥青乃馬卜門內詩家豪掣電不容逐和我仇池韻  
意已無坡谷示之衡氣機齊爾得喪欲良工三折肱同  
工本異曲要看斂手妙勝于八叉速

裕軒邀同辛楣慕堂訪朱仲君未至而聞仲君  
遊法源寺卽同偕詣寺復不值因倩兩峯作寒  
林訪友圖二首

四人半日何所得瘦竹中間凍雀音曲折昏陰斜巷陌  
先生有意寫寒林  
試叩閑房浴內丹爐溫澹對畫來難故教數武城南路  
直作山陰返棹看

泰忠介篆書陋室銘墨迹卷

至正六年正月廿八日

龍頭客捍鯨海波斯人斯節光甲科借令不以篆籀名  
勁氣亦已蟠山河十篇復古手正訛徐家祛妄審不頗  
商彝周鼓傍釋隸與蝌卽如此銘佳唯繼吾籀通古厠

諸小篆何弗資切磋物有殊體無殊用雜而不越非增  
多其時黃巖烽未動衡門園葵澗芳擁丹邱竹石瘦龍  
嵒吳郎桐花香霧湧斯是陋室勝華拱一波三折千鈞  
重識字果爲忠孝用雲間細林漫篆冢金粟側漁莊前  
荷深鳴榔一艇烟兩字諸公看摹勒十日坐臥寒雲邊  
謝安自負蒼生慕一去蓬萊宮裏住洪濶白馬風雨戈  
甲聲七客寮中淚如訴澄江九戰辛卯秋執筆後先得  
毋誤本傳死台州在至正十二年三月庚子此卷公歲而鐵崖挽詩注云辛卯八月歿于南洋四十三持志齋儻容鄰堪閑暇紆餘轉沈著此意定非  
墨客諳誰知一片清到底偏入鄰妣夜半談

爲王小樓進士題其曾祖樓村先生十三本梅

花書屋圖用蔡忠惠夢詩韻四首

畫尋詩更詩尋夢苦被人間太說明丙戌壬辰春又轉

模糊未破墨時情

康熙丙戌七月  
夢壬辰花朝圖

初白詩中訝低溼汜光湖水太空明春雷果有深根植  
如此虬枝冷性情

植杖老人喫花語昌黎恐是託彌明忍冬宅子丁香樹  
青眼憑誰萬古情

七株紅萼六株白題字光邊眼倍明前輩幾人詩格在  
昏黃月落夢迴情

釋永聞爲母梳髮圖李穀齋侍郎畫

穀齋非畫師頗師李白描李蹟之著者演教筆最超牀

前二端鬢髻一天人氣飄飄法侶皆聽經聲作大海潮亦有  
禮佛圖手指放白毫佛在水雲中大干一次寥誰知筭  
縱櫛仍效家人操禪榻鐘一杵紙窻鷄三號淚落忽如  
雨何從寫縑綃

潮陽縣宰李南礪於潮州西湖上得南漢大寶  
三年拓路記宋熙寧寶祐題名諸刻拓寄予粵  
東金石畧所未收也賦此報之

李侯歐趙徒跋尾截訟牒揮汗秋暑中喘甚看鷁趾潮  
陽尤劇邑訟戶紛難帖獨能西湖上鉛槧挾筇屨亂石  
不容步開路蹟誰躡偏方興築事竟未收史笈寶祐戊  
午題大比賢能協諸君校文歸鄉秀想獲提會飲於此

湖郡守懷最愜此郡盛人文科名頗稠疊八年我五至  
湖則止再涉初到大風雨湖漲不可艤山根疑氷雹松  
吹逆鱗鬣一字未得捫四秋忽轉曉重到雖展眺終未  
騁飛蹠到處有西湖已謂歸吾篋粵之潮惠雷三郡城外皆有西湖故予題  
潮州使院壁有竟成侯今手自剔使我思增慄石墨何  
到處有西湖之句足言此事非涉獵昔人一方治平聲俱以經術挾直從衣  
食足筭到教化浹躬行率趙子孰謂似秦俠陳公野吏  
風戶說婦子饁潮人今知學未易舌輔頰慶元許繕記  
但誇山唳磯朱欄鏡虹梁弦管裊袂襜飛放交紅翠游  
泳爭唼喋稊稭稻香逮菰蕒荇菱此記字獨大亦闕  
摹鈎摩一湖帶三利溪名水田實霑裏農工與土風抑强

扶疲茶若水之就瘠蓋極費調變山前遶湖後次第級  
肯躡城中望山上容易目所攝南珠亭址路月明誰鼓  
櫂九郎山溪響東正大海接高臺長梧桐小園飛蝴蝶  
層峯秀石勢不獨摹本帖潮有重銀淳化閣帖南潤來書論之呼吸九邑  
綠雲氣抱四堞茫茫百條川冥冥一葦葉海郡無可語  
未敢輕帖聒萬里雨雪外又轉新陽英

宮扇歌

并序 以下癸巳

明上海陸文裕公深嘉靖中直經筵所賜也公裔孫刑  
部郎中錫熊屬賦

團團燈月交金蓮御翰下染金龍箋安陸龍飛之八年  
肅清弊政風翕然誰能面爭講案前以誠以敬心拳拳



五明之義蓋如此西川新製奚取焉尺有六寸規景圓  
御幄小傘迎翩翩金光閃動張桂側當午想已凝寒烟  
公雖未奏羽扇賦臨謫一疏忍棄捐何事寒香晚節字  
月明天津聽杜鵑綠雨樓空雪折綿又到椒酒春燈邊  
得林天衢表兄病中書及詩次韻呈象星景巖

兼寄蘊齋

故人新歲字一病七春餘莊窆誰鵑禽羅浮訊契虛蘊齋  
官增雲陰起江海風味此庭除墨淡欲傾內時同尚左  
書城

法源寺分詠得唐景福元年重藏舍利記

寺僧唐末筆猶似柳誠懸尺節盧龍傳陳辭景福年浮

圖渺何所凭望昔流連欲問佳威事蔬畦淨晚烟

瀛洲亭呈同直諸公

大官厨飫日何補坐閱水光窻四搖我與遊儵舊相識  
朋來拊檻每涼宵觀書不廣得名早叩涉問津誰汝招  
高柳出簷根未改午風慙拂最長條

鈍夫謁選來京僦居惠州館題其壁二首

比隣時作南安語十四年前騎共停曾否江頭一樽酒

江山眼爲兩人青

館北卽南安館庚辰春鈍夫蘊山同寓處也

信誓盟言未肯寒洞天裁報碧琅玕夜來四百峯頭夢

猶作豐湖講院看

惠州西湖一名豐湖鈍夫嘗主湖上書院

右安門西野圃同瘳石魚門習庵三首

還餘幾箇閒心侶得及旬時出郭來多少綠陰濃不愛  
携樽只占一方苔

圃屋三楹爲客開主人想未得頻來商量軟土移萱候  
愛惜陰涼買竹栽

嚴公歸去姚公病不說懷人已悵然何處釣竿菰葉響  
水風香似十年前

蘇文忠雪浪石盆銘拓本

淋漓氣作蒼雲屯背兩篆如古鼎尊下復有雲四旋抱  
溼苔萬古洗不昏想公辭水作山郡意在岷下之山村  
世間畫水不知水獨爾兩孫挾妙門機泉飄灑何感觸  
落月動盪驚心覓盡水之變盡物變待其不動窮其根

所以瀾翻出銘語凡有石處皆水痕又寫江峽湍洑勢  
蘇畫水一碑亦難波磔起止論光怪眩轉黑白脈莫可分別  
石與盆雲起雨作竟恟怳借問此理何處存

又題

嚴子結茆擬東屯臨行取別盡一尊留此拓銘兼拓篆  
謂我坐對娛晨昏以之配米藥洲字可補昔訪南海村  
蘇齋米齋倘有合畫石畫水定一門我從羅浮涉瓊海  
一水一石公精覓兩袖歸來有何物小窻疎雨秋樹根  
笙鐘萬壑等箭激波濤一呖誰留痕定州畫云吳道子  
筆勢變滅安足論明宣德閒定州何生畫水世以爲吳道子筆見陸儼山北還錄惟當  
借作真水看勿言雨過珠瀉盆齋空月墮嚴子去了無

言說文字存

陳觀樓編修僦居借樹軒二首

熊翁手寫斯軒記正在破窻風雨中  
客袖安能携得去依然苔石綠濛濛  
鄒西麓方移去并携熊鶴嶠前輩手書借樹軒記卷不肯出故云爾  
借樹原來樹借人樹非我植亦前因  
商量一榻安心法雨過牆頭月色新

送錢雨時之安慶郡丞任

羨君報最因歸觀憶我趨庭共學詩  
廿載門牆無寸補一樽江海幾分岐  
章遊爛漫情誰記老筆淋漓畫莫遲  
令姪韓石將作畫贈行又到西街新月上  
小亭接葉夕涼時

七夕韓石辛楣魚門習庵姬川耳山丹叔小集

蘇米齋丹叔携所藏唐張萱祈巧圖同賦

去秋秋暑非積霖椒花舫子書不蟬

魚門寓齋

斜街斜月上

我襟此幘在壁靜悄悄瓜花匝粉圍鼎琛一人顧步梧  
影森二人叩首同穿針戲盆者亦繡悅紆一掩紈扇初  
沈吟一于樹側三花陰花復繞出於簪簪葵黃桂淨露  
泠泠我時送友涼不禁更訂斯夕指斯今聚散陰雨每  
難任八人如期果招尋我齋雖淺坐轉深絹端如有風  
露音蘭堂玉殿鏘鳴金神光離合燈不侵九衢人海幾  
同岑斯夕觴爲斯畫斟寸絲零落如球琳生氣炯炯欄  
砌林照見世間隙駒駸多少匠巧根觸心三伏已過雲  
不霽空窻卷待白河沈曙光耿耿聞驚禽

書焦山周鼎銘拓本後

惟古冊命在禮器史逸之祝今不存襄龍邢哉牧與頌  
于鼎寶斂于壺尊竊從禮文窺禮意所謂內門卽廟門  
或立于中或于右曰宰曰伯咸駿奔立于中者面則北  
再拜受冊詒子孫龜巢老人昔所詠摩厓每照祇樹園  
近時新城二王輩尋文感事稱引繁程穆倩汪鉅相繼各  
有釋楊劉不作誰與論或言南仲篤周祜北城于方西  
拒昆或言江漢常武世竝列方召申與樊亦如岐陽十  
石鼓文王宣王爭考援焦山山合水環處雲雷隱隱龍  
蜿蜿寺中摹本又已訛江聲怒迴繞堂軒英光萬古照  
山水彼偷奪者何足言他時海門秋月夜手量肩腹窮

根原